



# NOGOMETNI SAVEZ FEDERACIJE BiH

Broj: 365/26

Sarajevo, 17.03.2026. godine

Izvršni odbor Nogometnog saveza Federacije BiH, temeljem članka 32. Statuta NS FBiH, na 12. sjednici održanoj 17.03.2026. godine u Sarajevu, donosi s l j e d e ć u

## ODLUKU

### *o modalitetu odvijanja takmičenja Prve lige Federacije BiH i Prve futsal lige Federacije BiH od takmičarske sezone 2026/2027*

#### Član 1.

Ovom odlukom utvrđuje se modalitet odvijanja takmičenja WWIN Prve lige Federacije BiH i Prve futsal lige Federacije BiH od takmičarske sezone 2026/2027.

#### Član 2.

- WWIN Prvu ligu Federacije BiH u takmičarskoj sezoni 2026/2027 popunjavaju četiri kluba prvaka Druge lige Federacije BiH grupa Sjever, Centar, Zapad i Jug, bez dodatnih kvalifikacija, ukoliko isti ispunjavaju sve uslove propisane Propozicijama takmičenja, Pravilnikom o licenciranju klubova za učešće u takmičenju Prve lige NS FBiH i drugim odlukama Izvršnog odbora NS FBiH.
- Na kraju takmičarske sezone 2025/2026, WWIN Prvu ligu Federacije BiH napustit će onoliko klubova koliko je potrebno da bi se WWIN Prva liga FBiH popunila klubovima koji ispadaju iz takmičenja WWIn lige BiH i klubovima prvacima Druge lige Federacije BiH a da bi WWIN Prva liga FBiH u takmičarskoj sezoni 2026/2027 brojala 16 klubova.
- Ukoliko neki od klubova prvaka Druge lige Federacije BiH ne dobije licencu za učešće u takmičenju Prve lige FBiH za sezonu 2026/2027 status prvoligaša zadržava prvi naredni klub koji nije rezultatski ostvario plasman u WWIN Prvoj ligi FBiH a koji je dobio licencu za takmičarsku sezonu 2026/2027.
- Izuzetno, WWIN Prvu ligu Federacije BiH može popuniti i prvi naredni klub Druge lige FBiH prema plasmanu a koji je dobio licencu, ako se ukaže mjesto za popunu WWIN Prve lige FBiH i to samo iz one grupe u koju ispada klub Prve lige FBiH koji nije dobio licencu.

#### Član 3.

- Prvu futsal ligu Federacije BiH napustit će onoliko klubova koliko je potrebno da bi se Prva futsal liga FBiH popunila klubovima koji ispadaju iz takmičenja Premijer futsal lige BiH i klubovima iz doigravanja a da bi Prva futsal liga FBiH u takmičarskoj sezoni 2026/2027 brojala 12 klubova.
- Status člana Prve futsal lige Federacije BiH u takmičarskoj sezoni 2026/2027 ostvarit će dva kluba nakon odigranog doigravanja, a shodno odluci Izvršnog odbora NS FBiH broj 2571/25 od 24.10.2025. godine o načinu doigravanja za ostvarivanje statusa člana Prve futsal lige FBiH u sezoni 2026/2027.
- Način doigravanja propisan je odlukom Izvršnog odbora NS FBiH broj 2571/25 od 24.10.2025. godine.

#### Član 4.

Odluka stupa na snagu danom donošenja.

#### Obrazloženje

Izvršni odbor Nogometnog saveza Federacije BiH, na 12. sjednici održanoj 17.03.2026. godine, razmatrao je prijedlog Komisije za takmičenje NS FBiH o modalitetu odvijanja takmičenja WWIN Prve lige Federacije BiH i Prve futsal lige Federacije BiH od takmičarske sezone 2026/2027. Imajući u vidu Izvršni odbor NS Federacije BiH dana 12.03.2026. godine donio odluku broj: 311/26 da WWIN Prva liga Federacije BiH od takmičarske sezone 2026/2027 broji 16 klubova, te odluku broj: 311-I/26 da Prva futsal liga Federacije BiH u takmičarskoj sezoni 2026/2027 broji 12 klubova, Komisija za takmičenje NS Federacije BiH je na sjednici održanoj 16.03.2026. godine napravila prijedlog modaliteta odvijanja takmičenja WWIN Prve lige Federacije BiH i Prve futsal lige Federacije BiH od takmičarske sezone 2026/2027 te isti dostavila Izvršnom odboru NS Federacije BiH na razmatranje i postupanje.

Imajući u vidu navedeno, odlučeno je kao u dispozitivu.

PREDSJEDNIK

Muris Jabačević

